



Financial Sector
Conduct Authority

PHOLISI YA RIRIMI

Vito ra Dokhumente:	Pholisi ya Ririmi
Dokhumente ya No:	C&L/POL/03/2026-2028
Matirhiselo:	Vulawuri byo Fambisa Xiyenge xa swa Timali
Ku va yi bumabumeriwa:	Komiti ya Malawulelo ya Xitirateji
Ku va yi Nyikiwa Mpum:	Komitikulu
Ku va yi sungula ku tiri sukela:	1 Dzivamisoko 2026
Hlengeletiwile Hi:	Ndzawulo ya Vuhlanganisi
Pfuxetiwile:	27 Nyenyakulu 2026

Pheji ya Mpumelelo wa Dokhumente
N'wini wa Dokhumente:

VITO	XIYIMO	NSAYINO	SIKU
Tembisa Marele	Nhloko ya Ndzawulo: Vuhlanganisi		

Dokhumente yi bumabumeriwile Hi:

KOMITI	Mutshamaxitulu	NSAYINO	SIKU
Komitiya Malawulelo ya Xitirateji	Mutshamaxitulu		

Mpfumelelo wa Dokhumente::

KOMITI	Mutshamaxitulu	NSAYINO	SIKU
Komitikulu	Mukhomixinara		

Vulawuri bya Nkandziyiso na Nkomiso wa Micinco:

NO.	NHLAMUSELO YA MICINCO
1.	Leyi i pholisi ya masungulo leyi nga eku tumbuluxiweni ku ringanisa xivumbeko xa tipholisi ta FSCA.
2.	Engetelo wa tinhlamuselo tin'wana, switirho swa nawu.

Nkarhi lowu Bohaka wa Mpfuxeto:

Ku va yi pfuxetiwa malembe mambirhi man'wana na man'wana.

LESWI NGA ENDZENI

1. TINHLAMUSELO	5
2. NGHENELO	6
3. XIKONGOMELO	6
4. SWITIRHO SWA NAWU	6
5. XIKOPU NA MATIRHISELO	7
6. XIYIMO XA VULAWURI XA PHOLISI LEYI.....	7
7. MILAWU	7
8. MUXAKA WA BINDZU RA FSCA	8
9. TINDZIMI TA XIMFUMO TA FSCA.....	9
10. KU SIMEKIWA NA XIVUMBeko XA LESWI NYIKIWA KA HI VUKORHOKERI BYA FSCA BYA TINDZIMI	12
11. NDZETELO NA KU AKA VUSWIKOTI	12
12. NKANDZIYISO NA MFIKELELO EKA PHOLISI LEYI	12
13. MAENDLELO YO TIRHANA NA SWIVILELO	12
14. ENDLELO RO APHILA	13
15. MPFUXETO WA PHOLISI.....	13
16. MPFUMELELO.....	13

1. TINHLAMUSELO

Eka Pholisi leyi, handle ka loko xiyimo xi kombisa h tindlela tin'wana:

- 1.1 “Nawu” swi vula Nawu wa Ku Tirhisiwa ka Tindzimi ta Ximfumo, 2012 (Nawu wa No.12 wa 2012);
- 1.2 **“Bureyili” swi vula muxaka wa ririmi ro tsariwa ra vanhu lava nga voneku/mabofu, laha tikharekitha ti yimeriwaka hi swivumbeko swa mathonsi lama tlakukeke lama twiwaka hi tintihi.**
- 1.3 **“Mukhomixinara” swi vula Mukhomixinara wa FSCA;**
- 1.4 “Vumbiwa” swi vula Vumbiwa bya Riphabliki ya Afrika Dzonga, 1996;
- 1.5 “EXCO” swi vula Komitikulu ya FSCA;
- 1.6 “FSCA” swi vula Vulawuri bya Malawulelo ya Xiyenge xa swa Timali, vandla ra nawu leri tumbuluxiweke hi ku ya hi xiyenge xa 56 xa Nawu wa Vulawuri bya Xiyenge xa swa Timali, wa 2017 (Nawu wa No. 9 wa 2017);
- 1.7 “Vutoloki” Hi mayelana na nhlamuselo ya nomu, swi vula ku hundzisela nhlamuselo ya ririmi rin'we ku ya eka nhlamuselo ya ririmi rin'wana, hi mayelana na nhlamuselo ya xikoweto, swi vula ku hundzisela ririmi ra swikoweto leri sayiniweke ri va ririmi ro vulavuriwa na hi ndlela leyin'wana, na "vutoloko" lebyi nga na nhlamuselo leyi fambelanaka;.
- 1.8 “Rhekhodo ya Ririmi” swi vula ririmi leri hlawuriweke leswaku ri hlayisa tirhekhodo kumbe ku akhayivha tirhekhodo ta FSCA;
- 1.9 “Holobye” swi vula Holobye wa Vutshila na Mfuwo;
- 1.10 “Vutindziminyingi” swi vula ku tirhisiwa ka tindzimi tinharhu kumbe totala hi munhu kumbe tlawa wa vanhu;
- 1.11 **PanSALB” swi vula Huvo yo Angarhela ya Tindzimi ya Afrika Dzonga;**
- 1.12 “Pholisi” swi vula pholisi leyi ya Ririmi;
- 1.13 “Riphabliki” swi vula Riphabliki ya Afrika Dzonga;
- 1.14 “SASL” swi vula Ririmi ra Swikoweto ra Afrika Dzonga;
- 1.15 **“Mutivikulu wa swa Ririmi” swi vula mutirhi wa FSCA loyi a rhangelaka ririmi** xiyenge xa Vuhlanganisi na Vukorhokeri bya swa Tindzimi bya Ndzawulo;
- 1.16 “Vuhundzuluxeri” swi vula ku hundzisela tsalwa ku suka eka ririmi rin'we ku ya eka rin'wana, "hundzuluxa" leri nga na nhlamuselo leyi fambelanaka;

2. NGHENELO

- 2.1. Vumbiwa byi tekela enhlokweni khumembirhi (12) wa tindzimi ta ximfumo, i.e Xinghezi, Xibunu, Tshivenda, Xitsonga, Xipedi, Xitswana, Xisuthu, Xizulu, Xixhoza, Xindhevele na Xiswati; na Ririmi ra Swikoweto ra Afrika Dzonga(SASL); byi tekela enhlokweni ku ya ehansi ka ku tirhisiwa na xiyimo xa tindzimi ta xintu naswona byi lava Mfumo ku va wu teka magoza lama kotekaka na ya kahle ku tlakusa xiyimo na ku hatlisisa ku tirhisiwa ka tindzimi ta xintu. Vumbiwa byi ya emahlweni byi lava leswaku tindzimi ta ximfumo hinkwato ti xiximiwa no khomiwa ku ringana.
- 2.2. Ku fikela sweswi, Nawu wu tivisiwile ku va wu khutaza ku tirhisiwa ka tindzimi ta ximfumo loko ku vulavuriwa na swirho swa vaaki, wu hlamusela ku lawuriwa na ku landzelerisiwa ka ku tirhisiwa ka tindzimi ta ximfumo hi mfumo wa rixaka hi xikongomelo xa mfumo, wu lava ku amukeriwa/tirhisiwa ka pholisi ya ririmi hi mfumo wa rixaka, mavandla ya mfumo na mabindzu ya mfumo na ku tumbuluxiwa ka yuniti ya ririmi ya ndzawulo ya mfumo, vandla ra mfumo na mabindzu ya mfumo.
- 2.3. Nawu wu tirha eka mavandla ya mfumo wa rixaka hinkwawo. FSCA i vandla ra mfumo wa rixaka, leri xaxametisiweke xisweswo eka Nawu wa Mafambiselo ya Timali ta Tiko, 1999(Nawu wa No. 1 wa 1999) (PFMA). Pholisi yi tumbuluxiwile hi FSCA hi ku landzelela leswi nyikiwaka hi Nawu.

3. XIKONGOMELO

Xikongomelo xa pholisi leyi i ku hlamusela leswi FSCA yi nga ta a landzelerisa xiswona Nawu, na ku tirhisa tindzimi ta ximfumo ku antswisa vukorhokeri eka swirho swa vaaki hi ku angarhela na mavandla lama lawuriweke, na ku antswisa swiyenge swa nandzelelo.

4. SWITIRHO SWA NAWU

- 4.1. Vumbiwa bya Riphabliki ya Afrika Dzonga, 1996 (Vumbiwa);
- 4.2. Nawu wa Vulawuri bya Xiyenge xa swa Timali wa No. 9 wa 2017 (Nawu wa FSR) Nawu wa ku Tirhisiwa ka Tindzimi ta Ximfumo wa 2012 (Nawu wa No.12 wa 2012) (Nawu);
- 4.3. Swinawana swa ku Tirhisiwa ka Tindzimi ta Ximfumo, 2013 (Swinawana)
- 4.4. Nawu wa Huvo ya Vতিরহি va swa Tindzimi ya Afrika Dzonga, 2014
- 4.5. Nawu wo Tlakusa Mfikelelo wa Mahungu (wa 2 wa 2000)
- 4.6. Nawu wa Mafambiselo ya Timali ta Tiko, wa 1999 (Nawu wa No.1 wa 1999) (PFMA)

5. XIKOPU NA MATIRHISELO

Pholisi yi tirha eka vatirhi hinkwavo va FSCA, ku katsa van'waticontiraka, na un'wana na un'wana loyi a tirhaka ntirho hi ku yimela FSCA.

6. XIYIMO XA VULAWURI XA PHOLISI LEYI

Pholisi leyi yi phirisikirayibiwa hi xiyenge xa 4 xa Nawu, hi ndlela leyi landzelaka:

- 6.1. Xiyenge xa 4 (1) xi hlamusela leswaku ndzawulo yin'wana na yin'wana ya mfumo, vandla rin'wana na rin'wana ra mfumo, na bindzu rin'wana na rin'wana ra mfumo, swi fanele swi tirhisa pholisi ya ririmi eka ku tirhisa ka swona tindzimi ta ximfumo.
- 6.2. Xiyenge xa 4 (2) xi hlamusela leswaku pholisi ya ririmi leyi amukeriweke hi ku ya xiyengetsongo xa (1) yi fanele yi:
 - 6.2.1. kombisa tindzimi tinharhu ta ximfumo leti ndzawulo ya mfumo, vandla ra mfumo kumbe bindzu ra mfumo ri nga ta ti tirhisela swikongomelo swa mfumo;
 - 6.2.2. veka swipimelo swa leswaku tindzimi ta ximfumo ti ta tirhisisiwa ku yini eka ku vulavurisana na vaaki, switiviso swa ximfumo, mikandziyiso ya mfumo, na mbulavurisano exikarhi ka tindzawulo;
 - 6.2.3. hlamusela leswi ndzawulo ya mfumo, vandla ra mfumo na bindzu ra mfumo swi nga ta endlisa swona mimbulavurisano na swirho swa vaaki lava nhlawulo wa vona wa ririmi ku nga riki wun'wana wa tindzimi leti hlawuriweke ta ximfumo,
 - 6.2.4. hlamusela leswi swirho swa vaaki swi nga ta fikelerisa xiswona pholisi ya ririmi;
 - 6.2.5. hlamusela maendlelo yo tirhana na swivilelo ku endla leswaku swirho swa vaaki swi kota ku loja swivilelo hi mayelana na ku tirhisiwa ka tindzimi ta ximfumo hi ndzawulo ya mfumo, vandla ra mfumo kumbe bindzui ra mfumo;
 - 6.2.6. hangalasiwa eka Gazete ya mfumo hi xihatla , ku nga se hela masiku ya 90 yi amukeriwile.

7. MILAWU

Milawu leyi seketelaka Pholisi leyi hi leyi landzelaka:

- 7.1. Ku teka magoza yo tlakusa xiyimo na ku hatlisisa ku tirhisiwa ka tindzimi ta xintu.
- 7.2. Vutinyiketi eka ku tlakusa tindzimi hinkwato eka Riphabliki ku endlela ku tiyisisa ku xiximiwa ku ringana na ku khomiwa ku ringana ka tindzimi ta ximfumo leswi laviwaka hi nkarhi wa hina wa xidimokirasi.
- 7.3. Ku tekela enhlokweni vutindziminyingi tanihi xitirho xo kurisa vutirhisani eka ku aka rixaka, nhluvukiso wa ikhonomi na nkondletelo wa rixaka;
- 7.4. Ntlakuso wa mafambiselo ya kahle ya ririmi hi FSCA ku tiyisisa vulawuri bya mfumo lebyi nga na vuswikoti lebyi fikelelaka swilaveko swa vanhu na ku tiyisisa mfikelelo wo ringana wa vukorhokeri na mahungu ya FSCA;
- 7.5. Nsivelo wa ku tirhisiwa ka ririmi rihi kumbe rihi hi xikongomelo xo ri tirhisa ku fuma na xihlawuhlawu , eka FSCA.
- 7.6. Vutinyiketi byo tiyisisa leswaku tipulatifomo ta FSCA ta xidijitali na mikandziyiso ya online swa fikeleleka na ku tirhiseka hi vayingiseri vo hambanahambana, ku katsa vanhu lava tsoniweke, hi ku fambisana na maendlelo lamanene lama hluvukaka ya mfikelelo wa xidijitali.
- 7.7. Vutinyiketi byo tirhisa ririmi milawu ya ririmi ro olova eka vanhu hinkwavo lava langutaneke na vuhlanganisi, ngopfungopfu lebyi kongomisiweke eka tikhasitama ta swa timaloi. Ririmi ra xithekiniki kumbe ra nawu ri ta papalatiwa laha swi kotekaka na laha ri nga papalatekiku, ri ta landzeriwa hi tinhlamuselo leti nga erivaleni kumbe tisamari/mikomiso.

8. MUXAKA WA BINDZU RA FSCA

FSCA i vandla leri tiyimelaka riri roxe leri tumbuluxiweke ku lawula na ku langutela matikhomelo ya makete wa mavandla ya swa timali eAfrika Dzonga. Tanihi leswi swi lerisiweke eka xiyenge xa 57 xa Nawu wa Swinawana swa Xiyenge xa swa Timali, swikongomelo swa FSCA i ku:

- 8.1. tlakusa na ku seketela vuswikoti na vutshembheki bya timakete ta swa timali; na
- 8.2. sirhelela tikhasitama ta swa timali hi –
 - 8.2.1. ku phuromota makhomiwelo ya kahle ya tikhasitama ta mali hi mavandla ya swa timali;
 - 8.2.2. ku nyika tikhasitama ta swa mali na tikhasitama leti lavaku ku va ta mali hi minongonoko ya dyondzo ya swa timali, handlekaswona na ku phuromota vutivi byo twisisa swa timali na vuswikoti bya

- tikhasitama ta mali na tikhasitama leti lavaka ku va ta mali ku va ti
endla swiboho leswi twalaka swa mali; na
- 8.2.3. pfuna eka ku hlayisa ntshamiseko wa mali.

9. TINDZIMI TA XIMFUMO TA FSCA

9.1. Ku tirhisiwa ka tindzimi ta ximfumo hi FSCA

- 9.1.1. Nawu wu lava FSCA ku va yi amukela pholisi ya ririmi no kombisa kwolomu ka tindzimi ti (3) ta ximfumo leti FSCA yi nga ta ti tirhisela "swikongomelo swa mfumo" Leswi swi vula tindzimi leti faneleke ku tirhisiwa hakanyingi loko ku endliwa mbulavurisano na swirho swa vaaki.
- 9.1.2. Eku kumisiseni ka tindzimi ta ximfumo, FSCA exikarhi ka swin'wana yi lerisiwe ku anakanya kuphuromota tindzimi ta ximfumo leti khale a ti tekeriwa ehansi.
- 9.1.3. Eku kumisiseni ka leswaku i tindzimi tihi ta ximfumo leti nga ta tirhisiwa, FSCA yi ta leteriwa hi timhaka leti landzelaka:
- 9.1.3.1. Ku tirha
 - 9.1.3.2. Tihakelo leti fambelanaka
 - 9.1.3.3. Ndhawu ya ntivomisava
 - 9.1.3.4. Ku tsakela ka vanhu na/kumbe tlawa wokarhi lowu kongomisiwaka
 - 9.1.3.5. Xiyimo xa FSCA.
- 9.1.4. Hambileswi FSCA yi tekellaku enhlokweni tindzimi hinkwato ta ximfumo ta Riphabliki, tindzimi leti landzelaka ti amukeriwile:
- 9.1.4.1. **Xinghezi (ririmi leri nga ta tirhisiwa ku vulavula).**
 - 9.1.4.2. Ku suka eka tlawa wa tindzimi ta Xinguni (Xizulu, Xindhevele, Xiswati na Xixhoza), Xizulu xi amukeriwile.
 - 9.1.4.3. Ku suka eka tlawa wa tindzimi ta Xisuthu (Xitswana, Xipedi, na Xisuthu), Xitswana xi amukeriwile.
 - 9.1.4.4. **Xivhenda; rin'wana ra tindzimi leti a ti tsan'wiwa leri nga weleku eka tlawa wa tindzimi, ri amukeriwile.**
 - 9.1.4.5. **Xibunu, rin'wana ra tindzimi leti nga weleku eka tlawa wokarhi wa tindzimi, na rona ri amukeriwile.**
- 9.1.5. FSCA yi ta tiyisisa leswaku yi tirhisa tindzimi leti kombisiweke eka
- 9.1.4
- eka swikongomelo swa mfumo tanihi leswi swi hlamuseriweke eka
- 9.2.4.

9.2. Ku Tirhisiwa ka Tindzimi ta Ximfumo hi FSCA

9.2.1. Nhlamuselo ya leswaku i tindzimi tihi leti nga ta tirhiseriwa swikongomelo swa bindzu na mbulavurisano na swirho swa vaaki, na ndlela leyi tindzimi teto ti nga ta tirhisiwa hayona, swi hlamuseriwile laha hansi.

9.2.2. Swikongomelo swa bindzu

FSCA yi tirhisa Xinghezi tanihi ririmikulu ra mbulavurisano na ririmi ro rhekhoda hi swikongomelo swa bindzu -

9.2.2.1. ku endla mbulavuriusano na titlilayente ta yona (vaxavi na mavandla lama lawuriweke) hi ku ya hi swileriso swa yona;

9.2.2.2. hi mayelana na mbulavurisano wa le ndzeni eka FSCA; na

9.2.2.3. hi mayelana na mbulavurisano na mfumo na/kumbe Palamende hi ku tirhisa Holobye la nga na vutihlamuleri.

9.2.3. Eka swiyimo leswi tidokhumente leti lavekaka ku endliwa hi Xinghezi ntsena ti komberiwaka hi ririmi rihi kumbe rihi ra ximfumo ku nga ri Xinghezi, FSCA yi ta endla leswaku ku va na swiyenge leswi hundzuluxiweke swo komisiwa, hi ku ya hi 9.1.3.

9.2.4. Swikongomelo swa Mfumo

FSCA yi ta tirhisa Xinghezi na tindzimi ta ximfumo leti kombisiweke eka 9.1.4. eka xiyimo xa nandzu hi nandzu hi swikongomelo leswi landzelaka:

9.2.4.1. Mbulavurisano na swirho swa vaaki, hinkwaswo ku nga wa nomu na wo tsariwa, - i.e. exikarhi ka swin'wana, switiviso swa mfumo na switiviso, tisayini ta mahungu ya mfumo, switirhisiwa swo kombisa tisayini na vukrhokeri (mikandziyiso leyi kombisiweke hi mayelana na tidokhumente ta xithekiniki).

9.2.4.2. Mbulavurisano na mediya (xik., nkandziyiso, xiyanimoya, thelevhixini, phodikhasiti, webusayiti) - ku ya hi xikongomelo na pulatifomo;

9.2.4.3. Mikandziyiso ya mfumo na mapapila.

9.2.4.4. Migingiriko yin'wana leyi katsaka vakhumbheki.

9.2.4.5. Tihlengoletano ta mfumo kumbe vutsundzuxi na man'wana maendlelo ya ximfumo.

Dyondzo ya Vaxavi

9.2.5. Ku nga landzeleriwi ndzimana ya 9.1.3 laha henhla, FSCA yi ta teka switepe leswi faneleke ku tiyisisa leswaku yi endla

tinhlengeletano to lemukisa vaxavi va vutivi bya swa timali hi tindzimi totala hi laha yi kotaka hakona hi ku tekela enhlokweni ku laveka ka ririmi ra vaaki lava ngenelaka tihlungeletano teto. Hi ku tlhandlekela, yi ta va switirhisiwa swa nkoka swa vaxavi swa dyondzo ya swa mali leswi nga ta hundzuluxiwa hi tindzimi hinkwato ta ximfumo na ku hangalasiwa eka webusayiti ya yona ya <http://www.fscamymoney.co.za> hi ku fambisana na xileriso xa FSCA xa dyondzo ya vaxavi.

Senthara ya tiqingho

- 9.2.6. Senthara ya Tiqingho ya FSCA yi ta phikelela ku endla vuhlanganisi na swirho swa vaaki hi tindzimi hinkwato ta ximfumo ta Riphabliki tanihi leswi swi hlamuseriweke eka xivulwana xa 2.1.

9.3. Mphakelo wa vukorhokeri hi ririmi leri nga riki ririmi ra ximfumo leri tirhisiwaka hi FSCA

- 9.3.1. Laha xirho xa vaaki xi lavaka ku kuma vukorhokeri hi ririmi ra ximfumo kambe ku nga ri ririmi leri tirhisiwaka (xik . eka kandziyiso/xibukwana), xirho xexo xi ta tivisa FSCA hi xikombelo xexo, hi ku tsala kunene, hi ku kongommisa eka Mutivikulu wa swa Tindzimi. FSCA yi ta endla milulamiso yo fikelela xikombelo xexo hi nkarhi lowu faneleke wo ka wu nga ri ehansi ka masiku ya (30) ehenhla ka ku kuma xikombelo.
- 9.3.2. Hi mayelana na vuhlanganisi bya nomu, byo fana na tinhlungeletano na xilaveko xihi kumbe xihi xo toloka, xikombelo xi fanele xi endliwa hi ku tsala kunene naswona kwolomu ka masiku ya (30) ya ntirho ku nga se fika xiendleko xexo.

9.4. Mphakelo wa SASL na Vukorhokeri bya Bureyili

FSCA yi ta teka magoza lama twisisekaka na yo rhanga ku ngenisa ku tekeriwa enhlokweni ka mfikelelo, ku katsa na nhlamuselo ya SASL, tifomati ta mpfumawulo na tifomati tin'wana leti fikelelaka to fana na Bureyili, eka vupulani bya yona bya vuhlanganisi, ngopfungopfu eka ku nghenelela lokukulu ka vaaki na nhundzu ya dyondzo ya vatirhisi kumbe migingiriko hi ku landza 9.1.3.

10. KU SIMEKIWA NA XIVUMBeko XA LESWI NYIKIWAKA HI VUKORHOKERI BYA FSCA BYA TINDZIMI

- 10.1. Tanihi leswi swi laviwaka hi xiyenge xa 7 xa Nawu, FSCA yi tumbuluxile ntirho wa vukorhokeri bya ririmi hi 2014, lebyi sweswi byi katsiweke eka Ndzawulo ya Vuhlanganisi, Xiphemu xa ntirho lowu i ku nyika vufambisi bya kahle bya ririmi endzeni ka FSCA na ku tiyisisa ku katsa hinkwavo na nsirhelelo wa vatirhisi va vukorhokeri bya swa timali hi ku tirhisa vukorhokeri bya ririmi.
- 10.2. Ntirho wa vukorhokeri bya tindzimi bya FSCA byi rhangeriwile hi Vutivikulu wa swa Tindzimi, hi ku seketeriwa hi vatirhi van'wana tanihi leswi swi laviwaka hi FSCA nkarhi na nkarhi. Yi na switirhisiwa swo ringanela ku seketela vukorhokeri bya yona lebyi yi byi nyikaka hi ndlela leyinene na hi ku ya hi nawu.
- 10.3. Ntirho wa vukorhokeri bya swa tindzimi nkarhi na nkarhi wu ta landzelerisa u ntirhiso wa Pholisi leyi, ku katsa mikhuva eka ku kombela ririmi, swilaveko swo endla swivilelo na mfikelelo na ku nyika swiviko swa le ndzeni ku seketela antswiso wo ya emahlweni.

11. NDZETELO NA KU AKA VUSWIKOTI

Ku endlela ku fikelela nsimeko wa xiphurofexinali na lowu hetisekeke wa Pholisi leyi, Ndzawulo ya Vuhlanganisi yi ta tiyisisa leswaku ku na ndzetelo wo ringanela na vatirhi vo tirha ntirho lowu.

12. NKANDZIYISO NA MFIKELELO EKA PHOLISI LEYI

- 12.1. Pholisi leyi yi ta hangalasiwa hi tindzimi hinkwato ta ximfumo ta Riphabliki.
- 12.2. Yi ta kumeka eka webusayiti ya FSCA' ya: www.fsca.co.za.
- 12.3. Yi ta kumeka hi Bureyili kumbe hi tindlela tin'wana hi ku yingiseriwa eka webusayiti ya FSCA.
- 12.4. Nkomiso wa pholisi leyi wu ta kombisiwa ehofisini ya FSCA hi ndlela leyi nga ta kota ku voniwa hi vanhu.
- 12.5. Hi ku tlhandlekela, mikandziyiso leyi pirintiweke yi ta kumeka hi tindzimi hinkwato ta ximfumo endhawini ya FSCA..

13. MAENDLELO YO TIRHANA NA SWIVILELO

- 13.1. Munhu wihi kumbe wihi loyi a nga khomekangiku kahle hi xiboho xa FSCA hi mayelana na ku tirhisa ka yona tindzimi ta ximfumo a nga loja xivilelo hi ku tsala kunene a xi kongomisa eka Mukhomixinara.
- 13.2. Xivilelo xi fanele xi lojiwa hi ndlela leyi landzelaka:

- 13.2.1. Hi ku tsala kunene.
- 13.2.2. ku nga se hela tin'hweti tinharhu ta ku tumbuluka ka Xivilelo.
- 13.2.3. Xi kombisa vito, adirese na mahungu ya vutihlanganisi ya munhu loyi a lojaka xivilelo.;
- 13.2.4. Nyika nhlamuselo hi xitalo na ya vuxokoxoko ya xivilelo.
- 13.3. Mukhomixinara kumbe xirho xa mutirhi xa xiyimo xa le henhla lexi rhumiweke hi Mukhomixinara a nga kombela mumangali ku nyika mahungu wahi kumbe wahi yo engetela lama lavekaka ku tekela enhlokweni xivilelo na ku ngenela nhlengeletano hi xikongomelo xo endla vulavisisi bya nomu eka xivilelo.
- 13.4. Mukhomixinara u ta anakanya xivilelo na ku teka xiboho, ku nga se hela tin'hweti ti (3) endzhaku ka loko xivilelo xi lojiwile na ku tivisa mumangali hi xiboho.
- 13.5. Mahungu ya vutihlanganisi ya FSCA:
 Senthara ya Tiqingho: 0800 20 37 22
 Riqingho (swichibodo): 012 428 8000
 Imeyili communications@fsca.co.za
 Adirese ya poso: P.O. Box 35655, Menlo Park 0102
 Adirese ya Ndhawu: Riverwalk Office Park, Block B, 41 Matroosberg Road (Khona ya Mapatu ya Garsfontein na Matroosberg), Ashlea Gardens, Extension 6, Menlo Park, Pretoria
 Webusayiti: www.fsca.co.za

14. ENDLELO RO APHILA

- 14.1. Mumangali loyi a nga enerisekeku hi xiboho xa Mukhomixinara leyi a nga loja aphili na EXCO wa FSCA.
- 14.2. Xivilelo lexi rhumeriweke eka EXCO xi fanele ku kongomisiwa eka EXCO hi ku tirhisa Vumatsalani naswona xi ngenisiwa ku nga si hela n'hweti yin'we ku sukela eka xiboho.
- 14.3. Ku nyikiwa ka swinawana swa 13.2 swa Pholisi leyi swi ta tirhisiwa tanihi swilo leswi cincaka eka aphili leyi lojiweke ku ya hi xinawana xa 13.1 xa Pholisi leyi.

15. MPFUXETO WA PHOLISI

Pholisi leyi yi ta pfuxetiwa malembe ya (2) man'wana na ma'nwana.

16. MPFUMELELO

Leyi i pholisi ya ririmi ya sweswi ya FSCA leyi nyikiweke mpfumelelo hi EXCO ya FSCA hi 27 Nyenyakulu 2026.